

Z cyklu: Òdjimczy słowã - 137

Kùtin nasz, Spiéwiący Bùla  
Mô trzë białczy w swòjim tipi  
Jedna zwie sã Szadô Kùra,  
Bò jak w grôpkù zupa czipi.

Drëgã, co mô mòdré òczë -  
Dwa Jezórka pòzywają  
Trzecô nie lëdô robòtë,  
Temù òsta Zgnié Jaje.

Trzëbeltowò kòchô Bùla  
Dbô ò kòzdã a achtniwô  
Chòdzã całi dzén pò krómach,  
Dze, co leno chcã - kùpiwô.

Òne téz ò niegò starã  
Mają, jidã na wëprzódczi:  
Piwkò? Nastrojéc gitarã?  
Mòże co przëczëtac Fópcki?

Głodny? Nagòtëjã bòbù  
Spiący? Ju gasymë widë  
Grajny? Narajimë chłopù  
Tak-cos, co nie szmakòł nigdë

Jaż òbliznął sã Spiéwiący...  
Òdeckł na bizóna skórze  
Jidã, przék snicóm maniącym  
Dali sóm na swiece czurzëc...

Tómk Fópka, Chwaszczëno, 1 zélnika 2024 rokù, gòdz. 6.55 d.p.